

復齋先生龍圖陳公文集

復齋先生龍圖陳公文集卷第十六

書

南劍請蔡堂長念成書

某再拜致書堂長蔡丈執事某聞賈誼有言人之所  
設不植則僵不脩則壞蓋道本無弊其所以幾絕而  
不續者脩與不脩也周程講道伊洛延平四先生實  
承之大經大法至於纖悉條目靡不備具而然口耳  
之學無得於心諷誦於外不体諸己鴻儒碩學所存  
無幾而又散處殊方會而合之既難其逢紹而傳之  
復難其地獨此郡為四先生傳授之鄉某猥以蠢愚

適叨假守載採輿議爰闢書堂幸已竣事有請于上  
以延平書院為額倣白鹿洞規式而斯堂之長衆謂  
非得真傳昌慙士望仰惟執事蚤歲聞道於五夫退  
處九江之上致、砭、以淑後學為己任學者宗焉  
主漁溪之席者十數年生徒濟、某頃在星渚嘗屈  
致白鹿會不果來至今恨之茲書院適成走介致請  
執事不鄙與李弘齋不遠千里而來豈為庸陋哉  
四先生 在是故也謹諏日具書幣再拜申請屈  
長 惠後使 四先生之學不徒誦習於

而有得 躬行之實文脩並進

與楊學錄後書

某庸陋不才，辱長者不鄙夷而惠顧之踰月之間，蒙教甚厚，願奪於薄書之冗，不得專精於講習，有孤盛意。迨今思之，惘然自失，常惧獲罪，方念以書致謝，不彊以敏顧為謙。施所先言之，阡下書院以兩少稽，蕉旬度夏末，可成申請，賜額及買田養士，皆繼此為之。誠如尊喻之切，常恨力未能耳。林丈聞不可出勢，頃屈一來，俟專致懇。六兄在法雲居，喪盡禮而一榻則

蕭然某所當效力極不敏也姑以稟謝刊誤本旨  
先拜納二本通釋已刻三百面更半月可見次第刊  
書亦已抄就接續刻之幸尊悉

又

十二月七日具位陳某再拜啟書講書楊文執事道  
統之傳不絕如綫所恃文公朱先生門人張而大之  
近平書院成嘗告于朝矣士已漸集師席虛位伏惟  
執事蚤從文公朱先生學黃先生深所愛敬平生未  
當一日不

之懿講實之深足為後學  
人今始惠顧舍三山大

僻陋之郡所 加惠

於四先生 道之鄉可謂厚矣爰消穀旦請正講惠  
使復李之 明行循以副四先生期望之意豈不  
偉歟菲弊將誠僅蒙容納幸甚不宣

與林堂長羽書

云云某久慕盛名願見無因乃者延平士論謂四先  
生傳道之鄉書堂不可不建長斯堂者咸後執事之  
來敢以菲幣敬薦書詞再拜以請惟四先生之道非  
執事莫發其祕伏惟執事久有朱文公先生之門行  
方而義重識趣高明學者師焉幸賜指教俾後學有

成就不惟此郡之幸亦某之幸也

與鄧聘君邦老書

某於方冊中及朋友間聞盛譽數十年於此矣庸陋  
無似謚叨此郡到官即欲專人屈致從者至郡以救  
荒不暇近創書院告成致菲幣專人拜請入書院以  
幸後學托邑宰詣廬面從懇款倘蒙不鄙曲徇此邦  
士子之望命駕一來某得與諸生親炙誨論幸甚人  
輻之屬也令縣中祇俗惟是不果鞠躬親請而以書  
惶恐汗下

與特樂宰劉

意鄧聘君 從朱 文 公先生享年老

德隆重某久 屈致 書院未成今遣人以礼幣邀  
之欲煩一至其廬道述鄙意仍遣興夫六人津送至  
郡所有興夫路費到郡支還勿罪免濶

興林堂長羽書

某頓首再拜上覆省元林丈坐前即日秋半氣清恭  
惟師模後季講道鄉閭神明左右尊候動止萬福某  
自頃星渚拜狀辱寵報後不能自彊以書請誨初來  
延平暇飢藥疾之餘循人士所款為書院於溪南首  
圖拜書屈講席一臨茲山用振吾道聞尊休久懃攝



理書院方勿成樂喜已久敢端拜脩辭異示來期即  
遣人前送儻蒙不鄙幸甚輒以微礼馳納少寓區，  
具別狀伏巧視晉所冀為道自壽式副人望

又

其人回領報汗竊知已安且人入城闔矣庸陋之蹤  
不知力學今已後時徒竊敬嘆妄意為延平創立書  
院幸已成就江東西數朋友如李敬子蔡元思李武  
伯余道夫各已將至謹專人屈從者一來使一郡人  
士知所矜式豈非大幸不煩文以讀尊聽儻辱不  
車以慰闔邦士子之願望幸甚

與楊季錄劄

某輒有少懇書院迄已久緣遣人於江東西招致  
李敬子蔡元思數人近方人回度三五日畢集敢屈  
長者同林丈及司直一來庶使學者得所矜式豈非  
至幸薄禮專狀馳浼切幸恕納仍乞疾馳以慰顙望

又

某拜覆學錄省元楊丈比拜狀後洪兄至出示近書  
開讀教回如對誨言不勝感嘆方願拜謝茲回武又  
領報繼聆即日暑氣尊候萬福為慰書院十已就六  
七但養士田湏如人家子孫市置田宅不使有一毫

不直之氣廁其間不其傳云此雖官物尤不可欲  
速恐窺見吾意向者因以為奸則恐夫子在天之靈  
不即享於斯地是以寧且緩之以俟買田也云云

與趙司直書師恕

云。茲人至領此書喜慙竊知榮上之期甚邇而近  
時之交承徃不以時趣代至先之以書誠知清貧  
急祿之意此亦善類之所宜勗心即遣人持台汙達  
鼎府不敢緩也書院之成已奏請額昨遣人至星渚  
九江李敬子蔡元思及一二佳友吾蒙不鄙應時  
登途度三五日間畢集林丈楊丈即皆有許來之意

今專人屈致乞命駕一來不惟諸賢相聚為他日無  
窮之佳話而書院初成得諸丈為之倡使學者知所  
矜式為益不少第媿庸陋不足為東道主耳真右吏  
亦欲來數日間到已專拜林陽二丈書敢乞願旨達  
之碍早來為佳它不煩布悉候面陳

與趙司直師恕劄

某竊以秋序平分風露清白恭惟某官造道益深盛  
德在躬神哉介助台候動止萬福某比人回辱報汗  
甚寵令子昆仲過門示出近書并有厚貺益認眷誼  
不勝感刻昨以書院申省狀求斤削蒙示教至荷因

知楊丈已向安今又已歸秦漢不識何日可同大旆  
一來書院此間幸得兩盜賊亦帖息人情稍相安但  
深山窮谷之民間有未得其平者尚多正已帥下曰  
惧一毫未至無以服官吏之心使奸究不革面要須  
暇日讀書窮理而朱墨紛如亦易度日若誠後得矣  
者同楊丈一來庶有承教之益林丈亦得相見已遣  
人招蔡堂長元思及李武伯數人度試後方來百懷  
悲候面布

又

竊以冬序益深寒威鼎至恭惟某官以道自娛盛德

神北台候動止萬福某箕山得會面匆匆分袂益悼  
師席之不可復拜願有遺書公事少暇亦不能研窮  
微旨但與學者講貫傳寫而已尊聃大躬行古道得  
無病乎楊丈日有琢磨之益聞歆拉過此萬一非戲  
言某夙昔所願不敢望也承喻陳丞曲折某侯見款  
曲首當及之詹竇覲不遠敢乞保重以俟殊摧下情  
至扣

又

伏尋誨汗不勝感激憲使循學校得門下為主張實  
實而功倍甚感，，書院緣李蔡二丈行速規模方

漸成湏得堂長領袖之而林犬復色於疾信儒者多  
遭迴也今得揚犬速來為幸學生已有數人頌侯揚  
犬來幸趣之大旆開歲早發鄉閭實某之幸

請姚燦判班劄

某竊以春令向中東郊方作恭惟某官紆綬里閭德  
望愈尊神明贊助台候動止萬福某庸陋試郡適在  
君子卿學淺識昏所賴賢者教其不逮正拯其缺况  
學校士交慕用大名之久屢欲有請屈為領袖某雖  
知其僭而嘉其志不敢不以轉聞是以前日拜狀意  
雖勤拳事似率爾退劇慚伏辱荅翰情文過綽曲

形謹避仰認不屑就之意但今歲大比諸生碎礪胥  
奮尤歆得先登之序以張其軍此在高明尤當徇鄉  
黨之請副勸懲之也敢再致禱仍遣典兵八輩賁薄  
禮詣前僦蒙惠顧幸甚。不敢復以苛禮報來施  
并幸台亮

回福建李安撫駿劄

某竊以春序已晁東作方興恭惟某官肇達牙肅風  
采機聞神明贊相台候動止萬福某自頃戡金陵愴  
敬後南北憂絕加以衰病杜門書問一切廢怠非敢  
於門牆獨簡慢也前承宏開師闕父母八州遠邇胥



慶劔邵寇未帖息尤溪要衝竊聞屯兵數十扼其吭  
喉遂使下數州生靈恃以無恐幸甚、近覩黃勝  
開群寇自新之路賊渠魁赦脅從使其徒得自相擁  
受賞、罰始各得其當與向來賞渠魁誅脅從事休  
萬、不侔矣 聖天子赫然為閩邦選賢收又以恩  
威明示數路之人蠲其祖稅自此人情欣悅安安厥  
有日矣然上四郡耕農失業倉廩一空南方去歲水  
沴禁止販舟不獨上四郡生靈嗷、下四州已有乏  
必已仰關台慮興化素無城有警民輒歆逃今春以

來逃山海皆告病許之漕司乞行下城築為之四旬  
漸有涯緒漕使助二千緡閩郡感德萬一蒙師府矜  
念少郡事力之難少加振助此士民所深望而不敢  
僭請者也學生某向蒙收門賓牆至今感荷師爾申  
記府敬不復以苛文為禮仰乞台照

又

某窮以序屆朱明時暘初煖恭惟某官填撫全閩澤  
洽一道天同神比台候動止萬福某比貢手狀未達  
間忽蒙頒使問旁礼隆眷厚若待所敬自惟疎庸乎  
生得此於人蓋寡既蒙異顧不知其愚且賤欲以因

士報輒進隨表伏惟垂察幸甚某前書率尔不敢尽  
布復心今感激奮勵不言則內愧弗志是以願畢其  
說仰惟門下以高明宏博之季行剛大正直之志當  
七閩擾攘之秋上四郡素称樂郊今皆莽為盜區盖  
藏焚蕩農桑失業三百年昭武名郡一旦掃地聖  
天子愍前招徠之失選擇明公擢為方伯竊聞忠誠  
憤激食不下咽兩月以來萬姓傾耳以聽施設茲承  
寵喻謂得密命專以三山為根本仰見朝廷好生持  
重之意然采之輿議則謂師以八州為念不可只守  
一州身不可輕動而兵不可不遣財不可不惜而募

兵聚糧之費不可過番城雖卑薄與小郡不同師以  
總管為賊當使山行水宿不擇處所是以八州為城  
三山縱有堅城亦不當嬰城自守招捕之權固重若  
使輕於一出亦非萬全之策况邵武因大軍一動閩  
城屠戮今延平之人恃招捕為命一動則覆轍在前  
謂宜師司募敢死之士質其妻子人與千金得二三  
千人命一將出尤溪招捕司募二千人自順昌出大  
軍堅駐奇輕卒重犒鄉兵使為聲援然後賊有所畏  
而速降其脅從之徒徃，力不敵官不能庇自同於  
賊宜多置贖濟場以飢民之惠待之籍其強者為軍

弱者使歸田畝既有兵威又有仁惠其不從者鮮矣  
天下之事初無難易特在人為與不為耳議者曰今  
廂禁軍尚恐缺食新軍何所取給乎此守常不知變  
者之說今何如時欲而上下溫飽顧恤人情不傷一  
毫而可致安平乎今上自帥守下至文武一命之士  
苟能量力自輟俸一月諸冗食之吏不急之費各得  
一月為助不少縱有吏不悅其間豈無知識深遠樂  
助願施之人况苞苴餽宴權省數月其助又不止此  
斷而行之孰敢不服一日為之則有一日之効玩愒  
歲月噬臍無及僭越出位罪當誅絕伏焉原炤

又

某伏蒙台慈頒賜精綺錦茵綵器茶扇羅列前陳仰  
認眷私下拜不勝感激酪母珍祝謹已祇領區、愚  
意謂當此兵興歆以盛賜回助公帑事雖黷犯心實  
勤拳昔司馬公辭金於富盛之朝人以為非某雖至  
愚敢自菲薄仰乞恕罪

與李安撫駿劄

某十六日置中恭領台翰發函莊誦竊知羅源筋策  
賊徒自相屠戮此朝廷黃榜區處得宜大帥風采可  
畏愛所致帥司精銳既出尤溪又勉邵武新候使之

乘機進討保奏列四効順之功以激勵其餘淮西王  
師又將大至一路幸甚某聞之不覺起立亟此稟報  
且致八郎私謝之萬一仰乞台照

與陳招捕輯

某久不拜狀身受覆露日與八郎之人御荷恩德言  
之粗淺近來探報漸以少息然兗頤之民必有食可  
使之不飢然後可使復業最是農事失時患未易弭  
朝廷調兵頗多權散不一然不分地而守則寇必出  
所不備太分則弱而無威兵家所忌妄意謂須申朝  
廷使諸將和同叶心一方有警四面交至揀之如臂

使指如常山蛇首尾相應痛婦忌前貪功之習務賊  
安靜不必功自我出他時平定不憚均賞近日兵威  
既振務寬大以收人心則兇頑庶幾乎革心矣卿兵  
無食則轉而從寇首宜恤之興化城築將半人心不  
齊議論爾汝近日趙倅將滿趙侯方以為已任因書  
勉之閩郡之望鄭寺丞謂寇多欲一一平之勞而少  
功不若專誅破郡武寇若治此一大  
寇其他小小者亦服今釋罪之大者與罪之小者  
同討但見難平愚見深服之不知高明以為如何

與陳招捕韓判

某昨嘗妄以淺見瀆犯聽瑩蒙寵荅謀巽下情慚感  
茲者恭審正摠憲賊增重使權一道生靈得尽沾更



生之賜某仰事俯育朝夕無惧者寧不知所自耶賊  
既屢敗殺獲頗多自王師至閩未有如此勝之強人  
意今必知所懲矣議者咸以下四郡為慮者分屯三  
千於四郡之近縣緩急得以相救而分廩食於所近  
之郡而使司亦有以助之未可遽罷須過秋冬方可  
抽回想高明已無遺筭豈待贅說區區愛助實不自  
知其愚陋也比淮西之師間以遠劍三山之軍甚善  
李將亦御衆有律晉興化一二日即行藏毫無犯仰  
見文人師律之嚴不然未易使之心服也茲因方沙  
宰專人料理批書因得附此狀方宰蒙照察其無他

深知感幸批書必蒙放行不待區區之禱

與陳運使文簡

某竊以春晚積雨初霽伏惟判府都運告院疊組眷  
隆百城謦詠神明贊助台候動止萬福某日與屢詆  
坐受捍禦存全之賜欲拜狀仰禪山海崇深之萬一  
而智淺劣陋每恒無益比劉潛夫出示台汗及前此  
林太博書中兩傳寄聲問勞之寵當此食息不暇之  
時豈謂狻蒙記憶且示以憂時素志不勝感嘆寇盜  
不制於始招之一字為計誤矣都運同倉使盡以上  
聞易置一司使兵財得以相通陳子華公明忠勇一

路遂恃以更生向非兩臺力發蒙蔽大事去矣一路  
生民子孫其可忘鄉中士人數百乞城築荷慨然主  
其說前月末已興工趙倅勞瘁任責前此蓋有掣肘  
不敢為之慮偶因張教授子恭孝附此狀張教授如  
愚公廩不多得聞林史君嘗薦於左右信佳士也僭  
及皇恐城役塵坌不能齋沐布粟草略有罪

田徐撫幹鹿鄉創

云、某久秘書甚之嘗每以南北參辰未諧既見為  
恨比聞帥閫得賢念無因致問豈圖謙巽屈已下人  
過聽浮虛曲蒙眷遇既先之以親幹復兼貢以長牋

感愧來并莫知所措執事虛實流輩搢紳所推暫為  
寡實實懷深長之慮賞盜之喻衆所共忽不有至當  
之論何能使刑賞俱不失乎穢渠魁赦下人古今不  
易之法徒能喻賊徒來降以爵賞之而首亂者不赦  
則彼自相為謀而吾之政令得矣推其原本則孔子  
若季康子之言盡之矣

與趙知軍汝固劄

某竊見永春德化已為郡盜所破目今切近仙遊  
仙遊士夫人民各以奔竄所恃鄉丁石手能以石擲  
盜見團聚三十餘人各保險隘皆農兵下戶日趨非

合之人拘集在官本官軍雖節次犒勞所惠無糧不能使其堅志力守軍司財賦僅能充調兵費用已自不貲唯有仙遊縣常平倉見在米三千石歲久陳腐某等欲就內支借一千石乞備申提舉使臺證會容本軍徑自火急應副。卿丁石手把截隘口則一郡生聚皆獲保全候寇息某等情願听官司鈎料產錢備所借米償于倉伏候使府施行

本軍備城擬申省馬度牒白劄

竊見福建江西近來寇盜擾攘凡有城壁去處皆可保守如江西建昌與福建邵武為鄰而邵武尤為繁

阜建昌寇屢至而不能犯邵武一再至而破之非人  
力勇怯不同有城無城利害百倍興化軍宣和間嘗  
為城高不過三五尺厚不至六七尺今類此矣自  
正初以來鄰郡警報鄣次未已每一至則老幼扶携  
逃竄山谷往來告病士民陳狀於漕司乞城築高厚  
各一丈五尺環以池濠前王知軍准漕司指揮令本  
軍從民欲墮築已於二月末興工發將及一半費公  
私給錢肆萬中半今來事力已竭若蒙朝廷矜念一  
卹生靈賜僧牒三五十本則三數月間便可成就縱  
尚有少缺亦可以多方措置况朝廷視川廣萬里之

外一如畿甸興化近地生齒頗繁不過捐三五十僧  
牒活數十萬性命此恩顧不大欣歆乞備申朝廷乞  
蚤給降薰日下寇迫漳泉距本軍尤近若速得此賜  
則可救目前緩急萬一朝廷以為方此多事未暇及  
此則乞明降旨揮且與支借令每政守臣任滿量還  
若干不過四五年間亦可填足

興王知軍克恭乞築城劄子

某私居杜門不與外事數日來閩郡人士紛々告急  
不容坐視頃至控露伏見上州寇盜未息人心危懼  
不月六日蒙使軍集衆寄居官議防托計前閩清鄭

宰謂城築為第一事縱未能猝就只得五六分土城  
使可植柵木藉以施弓弩保兵民叶力攻賊比之望  
風奔潰萬不倖緣比使府當科寺院助軍錢以為  
攻守備今鄰寇已逼闔郡士民萬喙一音皆欲城築  
願助財力若痛加沮遏必啼衆心況計其實費不過  
三數萬緡見有僧寺已科未到錢可以指擬幸遇名  
儒來蒞此郡憂民勤懇縱使無寇為之狹未為過若  
侵用常賦有損公家則勿為可也今不費公帑取辦  
僧院少忍旬月之勞坐致百世之利可為乘當為之  
機收必成之効在賢史君何憚而不為今若即日興



工縱使未全成人心已有恃賴兼役夫二千可省募  
兵之費而已募之兵又可助役一率兩得其裒老弱  
病非喜事貪功好勞惡逸不忍士民真切憤激之情  
不能上達台聽輒為轉聞冒黷威尊俯伏待罪

小帖

某寺竊見使府民訟事繁欲乞照漕司已行專委倅  
車庶用心專一旬月可辦所有士人列狀并此繳呈  
伏乞速賜行下

與陳運使汶劄

某近已具稟劄茲有少迫切之懇伏見興化城築實

為國家保民至計非部運判府告院忠誠明允為國  
深長思慮孰肯為一郡士民力賜主張曉示一張翕  
然胥慶正初寇警四傳逃避無地前守憚費緣闕即  
士人苦歆興役前守不獲已從之趙倅初謂太守不  
欲為遂行辭避今已於二月末經始坦鄉中有一種  
士夫家居城外謂築城乃弃城外於賊不思寇至乃  
為城外入保之地私意既生天理悔蝕二說相持  
逡巡兩月後得使臺判詞稍峻趙方敢任責近頗効  
勞然終憚異議不敢任怨某雖至愚方心知此事乃  
報國恩其如一咻為害又古城今間存舊址高三二

尺濶不數尺太半如平地而墓狹悉、可考今城內  
外民居侵官城濠者六七十家已自除拆展濶濠道  
間有三數巨室與官為敵梗沮工徒人心不平大役  
沮事見士庶白劄乞速賜行下庶中機會無復後時  
此更生之患也都運判府告院以至公為心故敢僭  
陳府伏待罪

與趙知軍汝固劄

某竊見本軍城築乃闔郡士民陳詞於諸司王郎中  
慨然謂以興化寺院錢為興化築城有何不可是時  
王郎中尚無恙非不為後政計也興役幾三月成已

過半矣僧寺各任其責極其勞費不敢怨者以國家  
大計故也趙倅本無築城意力辭於漕司不獲然後  
為之王即中題助五千緡亦不敢支非不惜財用也  
今說者及以擅城築歸罪趙倅旬日以來不出任事  
諸擅解休工役廢弛闔城惶惑其憂國者則仰首竊  
嘆其媚嫉者則動容有喜使百世可恃之功壞於旬  
月可不惜哉不知判府未嘗不以此為急務特防托  
守備不可偏廢而調兵百費未暇及此民愚易惑歎  
望明賜曉諭或使府取上自任或依舊委倅廳將僧  
院已請過錢照已責限委清強官驅磨丈量丈尺僧

事在局未還者官民戶已抄未到者趣之給之錢盡  
即權住役候朝廷給度牒到日成就未晚於使府常  
賦初無一毫侵費干犯听嚴下情皇恐

勸築城局諸士友劄

某才識凡陋加以衰病杜門七年不當干與公家事  
比因鄰寇闖郡士友以城築為急告之漕臺得命然  
後告之郡侯，專委貳車荷貳車慨然任勞役使  
不才與聞斯議不敢力辭自二月廿九日興工役今一  
月矣初謂三十院同日並興不數旬可辦今警報日  
至城築未及五之一其患在於不責僧院使熙元初

約束速辦則賞愆期則罰而士友及自詭任責記則則與元初李僧院規摹自相抵牾為僧院者顧退縮觀望曰彼士大夫自為之我姑聽命不知士大夫者乃贊州郡之美意謂委見任官則恐少暇任胥吏則恐容私所以必委士友者以其見理明用心公又專以城事為職非謂見任官公廩才智不及諸士友也今創局一月未見一院先辦買石既未有舟諸寺坐視必至悞事今欲乞監六院甲首專一買石用錢顧海舟應副甲下小院協力築作限三月半以前了辦其監工大院却用知事小院用主首監督令如法當

此危急之秋但恐僧寺憚勞費退縮而不為不患擇  
先買石不均彼大院所已足甲下石不足則亦責之  
大院立基不固今則已有保三令文狀何必如此紛  
、諸各平心定氣諸上六甲首院責限三月半先成  
寺院某私出犒賞一百千如過限方及一半者等第  
薄罰所謂士友但督其向前用工如不用工則率覓  
不必教玉人琢玉所有載石非僧院賞錢會雇舡人  
載石則舡人不樂趨官司特為嚴其爭奪之禁耳况  
丘淵與縣胥唯知醵漁戶金以求免恐官司一籍其  
名則為永允之害合乞使軍追索縣中招水手舡籍

喚上縣吏及丘淵使六甲均錢責付縣吏及丘淵攬  
載三萬丈限三月初十以前了足而勿籍其姓名彼  
既得見錢又非官司差使庶乎早集使百堵地然可恃  
而無繆悠臯緩之失此真報國家事也其永福局請  
自三月一日以後仍舊午後聚集伏幸尊悉

與李如梅書

數時以山寇迫鄰邑人心震動雖心如鐵石未免以  
生民為憂以此心緒匆欲作書不暇外日圭子遣人  
至泉城不及寄書人未回知己辱惠汗未及領間又  
承專贖惠酒深感眷意且知几巡號奉外侍尊夫人



安康泉城有險可保人心當齊一與城為始終若獸  
奔鳥駭則寇未至而小小者亦足為敵於我矣此間  
無城扶當効死樂天知此命前脩者之所以禦外物  
也匆匆奉報余惟保重不宣

又

某便中領賜書并紫岩張公父子詩翰誦如獲双壁  
某家有帖十二幅皆有益於世教者得此增之他日  
當刻堅珉用傳不朽感荷無言可喻求諭山寇迫邨  
邑此七閩所共患吾人平日問孝正在時驗力量若  
有城可恃效死勿去殺身成仁豈可不尊聖賢之訓

況泉城已有備此郡素無恃今方城築亦只得靜俟  
禍福之來一听於天苟可盡吾力者隨分為之可也  
款過此相聚甚幸若能一來所素願也晤言有日勿  
、不宣

與卓省元 渙

某承示誨沈氏事與楊烈婦晏氏宜合為一傳以警  
有土之君摠戎之時所以媿其心汗其顏於以扶助  
忠孝興起巽懦所益不少恨筆力不足發揮執事年  
盛氣剛詞足達意其可多遜他日願求觀焉

復齋先生龍圖陳公文集卷第十七

送行 上壽 挽章

送真西山除學官

古之君子其處已也嚴後之君子其處已也恕嚴故  
道成而化行恕故行聽而俗壞古之君子曰人之所  
以與天地並者道也曰仁曰義曰禮曰智曰信是皆  
所以為一身之幹缺一則不足以自立故相與惴惴  
然守之一夫婦之不得其所非仁也一辭受之不得  
其宜非義也一周旋升降之乖其常是非可否之異  
其辨操守踐履之渝其堅皆以為非人焉君子非固

為是不情也。謂責己者恕則人之責之者將不恕也。  
後之君子曰：「一事之忍，豈害吾仁一毫之利？豈害吾  
義足恭也？何以非礼機巧也？何以非智而輕之？信  
又豈大人所必為？听其說若通達而不拘攷其效則  
斯民將有不得其生。蚩夷將必至於猾夏而後已。嗟  
乎！夫其自恕，初非有害天下之意也。然人道或廢三  
才何所恃而存？以是知嚴於責己乃其所以愛天下  
也。耶！某人年少擢異科，他人於此志得矣，不切，於  
細行可矣。而君平時之所以處其身者，必古之合後  
之戒。今以儒官羽儀天朝，推是道與太學士共守。

之使三綱五常之在人心者光明洞達不獨致泰和  
之治於一時又將垂之千萬世而不息是豈不係於  
已哉詩曰惟仲山甫卒之其斯之謂歟某與君相期  
於歲寒者也於其行申以道之

送泉州李推方子

書曰惟聖罔念作狂惟狂克念作聖傳曰道德何常  
之有蹈之則為君子違之則為小人是知君子不可  
以一善名一日怠可不畏哉李公晦從紫陽先生久  
盡得其道佐大府治千里蒙福歸將羽儀於天朝也  
凡邦之士與晦從之曰咸徵言以自警過莆田不鄙

庸陋下問及焉因誦得於師友者讀告之抑又有說  
焉世謂君子足以勝小人挾水足以勝火也使君子  
不尽其道則是以杯水挾火與薪之火况戒謹之功不  
至義利之辨不明舍已徇人昧幾忘勇則小人之名  
將歸諸已又何勝負之敢云於公悔行重有感焉於  
是贅為之書

送趙縣尉

時棟

尉之職雖卑而權與省部等世不察也今有殺人尉  
必先視之其輕重出入定於一時之見後雖有智者  
莫能易也非莫能易尉與之校必已之見同然後已

也故獄其於縣成於州上於省部及其致刑也皆不出於一尉之初詞尉曰可殺則天子從而誅之尉曰可赦則天子從而赦之是尉之權不特與省部等雖天子生殺之柄莫能與之違者為是官者顧可不誠心求之而唯吏言是听乎顧可以少年不孝者為之而自輕其身以苟祿而已乎趙君時祿力學登第初尉三山之懷安邑大戶衆視他邑尤重然則守身奉邑必知所當思者矣苟無愧吾知他日為天子大臣事業皆自今之分職一同者始也

送諸葛表侄

某表兄諸葛提幹應祥乃侍郎之季子吏才精敏長  
於書畫有子璉善繼父志好孝能文於書亦有父風  
一日試上庠過莆見某求相勉語因索書為途中玩  
某謝不能又親疾筆硯幾廢請益堅於是滌硯濡毫  
率尔占數語以答之曰予春秋鼎盛文藝不患不精  
要先立其遠且大者庶幾而立之義所謂立者非伉  
健固執如告子之不動心必於道有得如聖賢之門  
達堅確不移實足於公平正大之域禍福利害不足  
以動吾心惟道是殉惟義之歸成名而歸吾當驗子  
學力進否若夫寓意翰墨特儒者之一小技何足令



力從事於此哉勉之

送王實之察推

科第所以榮親者也既得之矣則必盡事親之道焉  
事親之道非得於外者也自孟氏明善誠身之論興  
然後事親之道盡舍是雖日以萬鍾養狻為不孝也  
吾鄉王君實之天性純孝力學起家不以甲科為喜  
而以娛親為志由是而至公卿所以娛親者未艾也  
然古人以志為養菽水牛羊何擇焉窮不失其道達  
不變所守治獄則平反行部則叱馭若是者真足以  
娛其親矣范滂一語使其母俱垂名後世視吮疽舐

痔求之於外而遺其親於內者三尺童子知所擇矣  
實之哉、焉惟事親之道是務賢於人遠矣於其行  
也序以送之且自勉焉

送陳教授顯伯

宝慶乙酉中秋三山陳君顯伯捧檄來莆蓋丙子歲  
嘗餞某行都郊外者也相別十餘年為故人以是朝  
夕款密蓋冬既望告歸曰吾頃在上庠惟程文是攻  
今遲次肇慶官以教名惧實不称願一言以張之某  
辨以荒陋無聞加近歲卧病筆研棄置何以當君盛  
意予并予三倚馬<sup>荷</sup>稽以俟於是喟然嘆曰昔人有朋

友之義相規切以造道成德非以借譽而欺人也君  
氣清而貌和年少為師儒官又不恥下問至於拳拳  
若此雖歆塞曰得乎聖道堙汨未有甚於此時載道  
之書未有備於此時君歸取紫陽先生成書深探力  
行用以立己推以教人有不可勝用者矣尚何殷荒  
陋之言他日訪某於林下以緒余教我幸也力疾書  
此為別云

送孫制幹

開封孫君夢宮誠何可任有志事功遇事感慨敢言  
故所遭率落難合嘉定戊寅夏從方漕過廬阜因

識焉勉齋黃先生於人才少所許可。在皖成安君以  
戰事方將相與從事於兵間。而先生已歸君入閩。三  
年館於方漕之門。留之堅不可將。別出其往年在邊  
所獻帥守利病數條。此皆肉食者所當深愛長慮而  
使無伍失志之人。拳、若此三復太息。書其末以勉  
之時。方急才必有見知者。

送南安劉縣丞希仁

吾鄉號多士。若蔡公襄以諫諍顯。鄭公樵以博洽稱。  
林公光朝以文學鳴。其他不可遍舉。皆以德行為本。  
其於學皆終老未嘗止足。稟資既異。所立復卓。而所

以循之者愈篤不倦學者至今誦之其後大著正字  
二劉公學術冠一時好學尤篤其子孫皆則象其賢  
取科第一門至七人可謂盛矣今南安君祖父皆列  
戢中秘君以進士選升轉為丞一日之官出所為文  
以示其精麗典雅有剛直氣豈既仕而好學者歟將  
行以詩徵其言某應之曰子之為文信美矣為政信  
善矣然文必本於行政必出於身吾觀其外未足以  
知其內子如窮理以致其知力行以近乎仁其精力  
久輝光日新吾見三君子與而祖將復傑然出於吾  
鄉矣敢不預以為賀

送張相士仲思

僕少不自信汲、於功名有工於相者不即已而已  
即之年益長閱相工亦多矣然某人靡不有假以自  
媒者寧無焉故觀其眸有不待接其辭者矣張君從  
中都來双眼照人耿、秋月吾於是乎始探其囊皆  
名公鉅人之詩聽其說道人物高下是非成敗無一  
不當吾於是又信吾目焉蓋張君用斯術三十年而  
又往來於縉紳異北之地明目正視庸有不極其致  
者耶雲凝風休執而留之不可於其行序以贈之

贈朱相士

僕與秦谿朱君杞相識廿年觀其評論人物後當利鈍率如其言嘗預言某人退而書之冊以驗其中否一日在廬阜朱來謁適搜篋中得故書前言果驗時某獨知之朱君不知也扣之不變其說蓋三年矣僕是時以親老丐歸甚急僕命即行君曰後十日必易即及期不移相別告之曰事皆定矣世之汲、惠得失戚、然若不可以生者非愚非惑耶君之言因多中不能必人之盡知、之未必盡憶然則得人之深意而厚酬者非命耶既書以自警又以警君信其術而勿求必於人可矣

贈遠寧張生

圖與書並行皆所以詔後世而圖之功尤著揭彖示  
人雖庸人孺子皆知勸慕則圖有力焉荀子狀聖賢  
之貌必有所本二疎去國亦必有丹青之者惜今不  
傳以此知畫不可無也遠安張君其父以聚星顯名  
見稱文公朱先生其子克紹其父神全意妙又為真  
玉堂所愛近世措紳咸在所筆賢否高下不待贅述  
見者自知比之班馬宜不益<sub>信</sub>也哉士大夫勿謂張君  
一枝而可忽

送真石史守泉



昔人爲太守南物不入囊亦有市文集悔恨不能忘  
所以致乎理閭閻富而康衆民困賦役脫身事升航  
絕域在何許羈縻動經霜南風不堪託十發五飄揚  
過期不見婦妻子位相望所得知機何日債未及償  
公家既重征忍痛如劍賜况復吏不仁低價尽取將  
民財本膏血舶貨尤可傷吾聞坡仙言犂牛博沉香  
燔牛以祈福鬼神尚弗享安可以人命緘封壽侯王  
上天下可欺厥咎必有當近年有賢守永嘉詹事王  
不買一錢物至今垂耿光後來豈無繼落、難爲常  
祇今逢在史真節動八方江東百萬戶水旱供不荒

明時豈憚黜，實歎重淮陽。船使出名門，家傳饒清芳。  
玉雪兩相映，酷熱更寒涼。願聽桐城謠，合浦珠還鄉。

送鄒給事

皇天祐我宋，衮生巨人正。系遼賈董邦，遂親選掄  
聲名宣宇宙，勲業見寅亮。偉哉呂與李，王陳踵經綸。  
文章持餘事，德行金玉純。文靖有雅量，風雲際熙辰。  
所以到聖治，唐虞倍再淳。先生軼前駕，李力歎益荀。  
平生事靖退，墨頭自要津。群小競狐媚，佳兵謀其身。  
挺然出正論，玉色垂大紳。銀臺凜風駭，世仰鳳與麟。  
直道志丘壑，通塗輟樞鈞。豈為一己計，寧牧千里民。

泉山號大郡。祇買甲七閩。以寔則容。姦急則鰥寡。顰  
先生得其道。三年政和均。孰疾不得醫。孰屈不得伸。  
餐藥寔左右。砂芥不升陳。建閣儲六籍。鑿井膏城閭。  
巍、百雉堞樓櫓。一新海隅。亦有學窮邑。增廩困  
百辟。已具奉一毫不驚塵。此特以迹言。孰識襟懷春。  
下士有一善。不啻連城環。斯民有一隱。不啻聞頻呻。  
遂令無遠迹。士民盡歸仁。四海望霖雨。行當追紫宸。  
臯夔鍾高躅。豈特諸子倫。某也未聞道。一官嘗苦辛。  
蹉跎二紀餘。抱志幾鬱湮。得宰山水縣。低頭撫凋貧。  
連歲田少收。輸殿不見嗔。頃年有疑獄。口訥愧閭閻。

高明一垂照三因脫死願繆政了無術教條每知遵  
罪戾惧不免薦楊果何因感恩方激切歸轅遽攀輪  
焦桐既蒙矜壽或栢與椿敢不自奮勵異陪東閭賓

送陳守子華宿土囊有感

三年抱恙多閉門祇得兩度鼓禪局道人問我緣底  
出為送卿城兩史君閣中暑濕如炊甑山寺陰涼百  
僧定往年過此苦忽、今日海山看古鏡伊誰一念  
飯行人至今規矩侯如新可嘆、延平小書舍虛致零  
橋風月夜

送師道弟調選

人生重五馬亦須在中州若弟虛慕名不憚南荒取  
何如或近郡責輕俸仍優親老可近待取廉不嫌求  
勿信他人語只足念前脩我衰又多病卧家將四秋  
小池有芙蓉遲子來共遊作詩送行李勇返勿悠、

送劔浦王丞

二松雖在眼三徑每興思到官未數月歸袖西風披  
雅志不可屈凌晨騎難追視彼嗜進者寧能無忸怩  
月湖老居士勇退世所知年末至謝事一疏攄天墀  
卧家不肯出八年山水嬉秀句滿泉石無因寄目窺  
見為我致謝吾今鬢成絲試那了無術空發愧顰顰

行笑還山林逢人頻寄詩

送黃帳幹汝宜之江西任

黃君真可人鄉校久推許文詞波濤翻勁氣金石沮  
危言奉大對考官不敢取五十尉南邦声名塞漳浦  
閭里喜過從未聽滄州雨于何舍我去遊宦大江滸  
吾聞江西民自昔號貧窶迹來公私匿孰能明取與  
君今佐使長賢明可進語地要連邊淮洞深要摩撫  
鄭公有成規士飽始禦侮同僚得鄉彥灯窓欲勤苦  
崇臺共經綸數郡足機杼憐心愛民力西顧寬當宁  
行、謹勿遲赤子方仰乳

安溪送泉倅

平生順天命渴飲與飢飯不能便利趨挽首權商販  
隨群謁上官言語但樸愿豈知事迎合宛轉若藤蔓  
秉心實無它世俗乃憎怨豈期並仕初邂逅適素願  
明公行都來郡政畢已速不惟尋寬假時亦蒙誘勸  
王事有期程後我念遲鈍公今趨天朝尚我坐塵坌  
感恩顧未報送別益增恨偉哉佐此邦声名不前遜  
專城亦數月蒙福數十萬清介持一律冰玉不可溷  
從來士大夫德邵才或困豈知明公賢全美難悉論  
行青廟堂上相先以名獻斐然作詩歌聊寫意繾綣

三山送樓幹

九仙山頭二月春百花瑤、凝芳及香花未省並馳  
馬酌酒况復達佳人、家在赤城裏五百大士疑  
前身際懷喜作冰玉相耳目不染声色塵鯨呿鰲擲  
擅文傑撐腹萬卷筆有神妙齡卓冠蘭宮士便合褰  
裳要路津玉堂三字以虛取憑幕兩載留南閩平生  
避名如避寇諸公詎肯遺奇珍頭親急欲賁泉壤襍  
彼路馬超巖宸囊中之方以不試小試疲瘵蘇斯民  
自慙草木非君味傾盖一見情何親金篦時為發膜  
翳淡交耐久如荀陳懸知後會近可卜暫時分投仍



遠述丈夫萬里耿相望所要守道全其真準擬千鍾  
澆此恨却恐爛醉污車茵

送鄭文靖享先改秩用廣西諸公韻

間關萬里遊嶺海誰知丈夫志有在賢足跡滿四方  
豈但青編勤撫采曾多聞見益崔嵬節歷險夷終不  
改山川輝潤認珠玉草木芬芳讓蘭茝如何識者尚  
尔稀呈露炎方越三載西風穩送朝天行高懷皎  
秋俱清有親鶴即女榮養伉儷不必多為情翱翔一  
鷗橫空翼喧啾百鳥息飛鳴

送李尉元宗赴寧德任

誰謂山城僻而居尉秩卑地偏聲易著才鉅職優為  
孝召源流遠仁隨大小施雲龕當日事即此以為基

送圭子赴淮南總所排岸任

久叨簪紱裔初筮帝王州祖德期無忝君恩要力酬

存心惟敬謹

雖居暗室亦敬  
雖遇小事亦謹

律已必清脩

甘殖財母  
貪味多讀

書近  
益友

千里書頻寄重親賢已秋

送師道弟赴官靖州

去佐湖陰郡炎征六十程東南疆尚挾朝暮騎仍輕

民困恩宜厚蜚驕隙易生庶勤先訓在遲汝振家聲

送方簽判阜鳴赴江西任

洪都稱太府上幕得名賢事業三十蹟聲名四十年  
民征須力減酒禁更堪憐餘力犹能辦開塗及濟川  
向嘗有詩達真石史  
以除道與梁為請

送楊丈志仁歸三山

不見楊夫子于今歲再逾窮經探古聖執礼邁諸儒  
參月陪高論西風捲別袂鍾山容膝地亦足當吾廬

送姚僉判

班

杜門三載疑無緣不似當年在劔川衰病可曾同酒錢  
借氛那得和詩篇楓宸領袖三千士蓮幕徊翔十七  
年榮進在公真素定槎溪摘派晉初傳

送刘孝錄之建陽

馬蹄千里踏春風為愛河陽製錦工  
首重儒宗新像設不妨特地拜文公  
宝劒韜藏久未伸天生南浦一文人  
好將玉匣呈巖電洗出寒光萬丈新

送莆田黃宰庚

松竹林中一鉅儒逢人開口是璣珠  
三年訟簡逢生草百里刑清鞭用蒲  
直節正當裨黼宸高情何事憶粉榆  
送公歸後慵回首尺素西風恐鴈孤

送師道第守德慶

乃父高皇侍從臣  
汝今潛邸救疲民  
天低日近偏臨照  
土曠人稀費撫循  
得暇詩書休釋手  
先公法律自治身  
舟來勿寄南方物  
只寄平反慝老親

三山送真京元

蓋世功名國子師  
青春入覲道方夷  
榮華素定終須有事  
業難期便勇為此日  
清尊同一笑明朝丹  
陛聽東風  
送仙舟去楊柳江頭  
謾似絲

送孫生李蓄歸浙水

平生行止都無著  
恰似孤雲自在閑  
四十餘年倦江浙  
二十里外擇溪山

近有泉州溪上結茅之約  
窮愁元不上雙鬢

夸句僅能窺一斑與子暫分非久別西風時節賦刀

鏤  
送胡仲方西歸

後進無因見老成一覘風采快平生南來幸有同寮  
契西去寧無惜別情五載官聯親懿德遠夷君長慕  
清名明時用取真才具休使詩声祇自鳴

送陳目正

美言清名世所推南州曾作幾人師不遲班賢登臺  
省却喜青雲得路岐節義之高東漢士文章須復董  
生時郡芳時初非久霑霖雨且看儒宮習少儀

送延平二堂長

迺平學術淵源端的名師四代傳連歲朋來多夢  
士一朝歸去西高賢休言道統追千載但淑人心直  
幾錢見說新侯真好季子旌不日定招延

送撫州李兄武伯煥鄉

少年文學已精深更向周程一派尋千里求師罕憚  
遠慙慙要識聖賢心

我恨逢師較已遲羨君早歲獨先知歸時剩把遺書  
讀莫道峰永別離

臨安送鄭左獻甫

華髮蕭然入帝城如何直道尚迂遲從來白壁稱和

氏安得黃金到不疑  
歸騎正須誇疾速  
慈顏想見倍  
惟怡人生最是團  
樂樂況值量風荔子時  
還家看福薦新紅  
樂歲佳辰定不空  
綠醕好邀山月  
飲紫鱗長與海潮通  
不妨香火尋高士  
祇恐經綸欠  
此翁我亦欲歸  
未得相逢端的是西風

送趙司直師恕赴常德倅

武陵佳處是桃源  
謬說伊誰為探原  
會得桃花流水  
意歸來休向僂人言  
當年好札一河間  
今日躬行僂  
嘗難三百歲  
儀皆曲  
中曾中冰雪照人寒



送王丞遠

二王声價重清漳久合翱翔盡省郎  
再轉哦松人謂屈一同製錦我師長  
纖毫不擾民懷德三載寬征惠及商  
此去天逵承雨露書來須及晚秋涼

送趙主簿時傳

薄領官居小似船清溪深處隱三年  
才筆警敏恢牛刃行今蕭疎跨鶴仙  
羅渡分携雖有恨西湖相見豈無緣  
慇懃記取臨岐語金玉精神更節宣

送李梓楠

太末先生道德尊  
竭來閩底佐維藩  
兩年不作如絃

急千里真成換纈溫南畝但聞農擊壤列城那得更  
鼓門曾中以蘊經綸業盡上星辰侍紫垣

送胡提幹衍

奇琛瑗畫滿桐城中有清水一畝明靜室只知心可  
養當官底患志難行三年兩度承嘉話百里無因訴  
別情預想山陰溪畔雪扁舟訪戴定尋盟

送王推赴調

俯視庸流四海空縱橫萬卷貯胸中蘭臺不日看登  
用連幕三年肯奏功松筠未荒心已動雪舟誰辦興  
先勞帝城春事需春到詎許菲裾白紅

青春初破未容深。趣得清明到武林。官柳野花供醉  
醵。版橋山石愜歸心。長才凜、恢遊刃。善政優、得  
理琴。好去天朝。鳴佩玉海邊。童叟謾歌吟。

送懷安林知丞之官。仍謝佳句。

艾軒門第多諸父。尚想高齋講誦時。誰道風流今已  
泯。親屬三復起予詩。

讀書豈但資聞見。窮理方能識重輕。孔孟格言如日  
月。更須師友與詳評。

劍津初筮著能名。大府今看佐屬城。愧我贈行無好  
語。祇將戒懼與明誠。

送林知丞壽公赴石城任

往時吾里有師儒受業窮年鄒魯知今日  
喜君求益  
父黨  
共究聖賢書

賴上貧民最可憐  
唯憑令佐予安全  
正人況值為侯  
牧撫字催科審後先

送師道第調選

三年試邑似從軍  
揀過柯心望策勲  
但得當時無愧  
怍便知後日有芳芬  
身名莫嘆行將老  
李業由來進  
在勤子到長安  
謹交父杜門  
切勿混蕩量

送樞院姪之官

積善門達八十春  
慈兄蘊德復溫醇  
舊恩未報乾坤大  
新澤仍霑雨露勻  
博洽始能爲國計  
清忠方不負迂紳  
我今衰病知何用  
訪有書來訪海濱

壽外舅龔通判

毓秀方壺應半千先春二日扶初筵澄陂萬頃難同  
量野鶴高標不計年楚國紫清真有繼石君孝謹更  
光前久期卓令三公秩尚借陳蕃別駕賢紛若尽隨  
春弄媚恬然獨與雪筠堅鄙人辱眷尤欽佩拜壽藪  
詩佐玉船

人日壽外姑方氏

九袞華齡開第一畫堂瑞氣藹葱、采花室勝年、  
好絲鬢朱顏成、同五福誰人知壽考四時何日不  
春風門闌應笑龍鍾婿作史風塵兩翁

壽崇清陳侍郎

衛武當年解賦詩若揮椽筆定應疲先生名德都相似  
餘事才能更過之雲岫圖書供宴坐滄浪風月足  
追隨久開精力天教健更看三為帝者師

壽大元帥叅開國

黃陂不撓已稱賢況復胸中別有天最好誕朝嘉節  
後更斟壽酒菊花前平生不作南金想晚歲真成白  
壁全退食琳宮懷補壺山早晚祝堯年

壽劉學錄

壽酒今年勝去年綵衣膝下月宮仙丈人自有長生

訣予午常朝玉帝前

壽傅忠簡詞

今歲一陽早特地放江梅不知何處經歲相別始歸  
去來元是此花不老收拾一團和氣只向壽杯開不  
比桃薰李春後伴與臺耐寒意凌曉色照岩隈有  
人對此垂髮皓鬢兩徘徊未問和羹心事且道精神  
冰雪相似者為誰擬把廣平賦三唱送尊壘

壽傅忠簡

一陽初起黃鍾宮紅日出海光燿曉天高地下氣久  
鬱萬物閉塞如惛惛造化環復樞則通天於此時生



我公公之業世載孝忠受天間氣和冲融聚為文章  
發鴻濛一門二季繼乃翁平生濟民頌力洪要令飛  
走毋且寵出殺大邦蕃弥隆富沙千里無疲瘵京口  
移鎮事益叢流離流滿目羅羈窮公為不食孽其躬  
濟弊百萬俱恩蒙刻身節用財自豐所至露積民力  
充民方慕公如阜蠡上章力去橫飛鴻公以止足厲  
頌風其如夏夷望膚功晚作一第方簾櫳頭白丹心  
尚宸楓頌公之壽寺華嵩我宋社稷長尊雄嗟予  
小子最隘侗公安取此不言驥知己之恩大穹窿當  
期報効如纖縻吟詩勸情酒一中愧我才淺難為工

壽國太夫人詞

大國曾經機換新年八十仍三弄孫今已戲朝衫綠  
鬢朱顏未減綵勝佳辰競試室燈午夜初酣盡堂  
光景冠東南莫惜壽杯深蘸

壽龔國太

三朝十國錫封頻八袞華齡殿律新膝下平分千里  
月門中渾作一家春已將相業傳諸子更喜聞孫早  
有人殿挹壺山入壺竿壽溪哀、壽杯醇

挽陳通直

一門盛事更誰同  
四代班衣八十翁  
有子可傳醫國術  
在家還著活人功  
平陽遺愛千年遠  
有道新碑百丈豐  
愧我無因陪執紼  
祇將双淚寄西風

挽王侍郎居安

天台雄秀萃方岩  
仙骨童時已不凡  
才傑少魁金榜第  
年高狹帶待目銜  
蚤因名節成閑退  
晚等童顏謝謗譏  
衰老澠稱門下客  
有懷無復寄書函

挽蔡汀州

文價瓊琚重  
心期玉雪清  
如何後忠惠  
不使累公卿

宰縣多遺愛題輿有最声朱憐驚斷裂帳望上杭城

挽方處士

早歲功名摘額毛盛年立腹壯心豪寧知天上台躔  
貴不換山中處士高滿架詩書供夜話一園花柳送  
春醪年開八袞誠何憾無奈親姻自慘騷

挽建寧林知丞

詳炬乃林知  
存析之子

闕下家声世所宗九侯珪組疊仍重清風直節千尋  
聳洪濤澄陂萬頃容教子辛勤方拆桂為官清退謨  
哦松活人未遂平生志揮涕俄驚四尺封

挽知府陳大著

文軒今有幾門人盛德如公復喪淪蚤散文名喧米  
原莫年祿秩竟朱輪閭閻方頌循良政臺閣從傳劉  
切陳擬俟垂車隨賀客如何永別淚沾巾

### 聞海陽姪訃

近來不得海陽書但見諸公論薦渠四十二年成大  
闕慈兄豈是澤無餘

### 挽傅仲斐生母李氏

既與當日到嵩陽盛事于今語未央教子延師如學  
校揮金提路作康莊  
已登椿栢七旬筭終錫花釵九樹姪總行在人今已

矣西風茄鼓助淒涼

挽方漕亭若

使軺三度破胡塵  
祇為忠謀不為身  
後輩金繒能不  
吝却嗤木強是前人

半生與士共飢寒  
百萬渾將一擲看  
四十世官持節  
節活人無數奉親歡

淮南草木旧知名  
胡騎應愁水偃成  
自是人豪長不  
死如何腸斷些歌聲

挽方寺丞灼

壁水聲名冠上遊  
蚤年絳帳向荊州  
平生夢寐無塵

土壯歲雍容拜冕旒共擬一麟為國瑞俄驚五馬作  
仙遊正元曾是同朝士思見丹旌塋壟丘

祝鄭通判守仁

厚重公清言藹然人言端似楚公賢為官不取橫料  
勢佐郡何妨二十年徐邈介通常不變陽城撫字已  
先傳双旌原上行人泣况是交親淚迸泉

祝高兵部永

蚤得師儒賞識深明時碩輔尽知音惠周南海交麾  
節疏上中臺襖被宸七奏正宜遊桂圃五言何遽些  
梅林郭鄉父老同垂淚兩縣甘棠蔽帶陰

祝外舅

孝文生來閭里推外家毀闕蚤知師歷官惠愛今龔  
遂律已庶隅古伯夷四郎声称如昨日十年閑退未  
衰時老成德望嗟難繼茹鼓原頭淚滿頤

祝宋太卿鈞

蚤歲收科耀里閭家傳祖訓是詩書棠陰尚使民思  
惠鞭計能令固有儲九列選班嗟已晚十連奏最召  
方初輟車想過桐鄉道幾許顰顰淚洒裾

祝方僉判卓鳴

草堂種玉在長身黉舍蜚声四十春佐府涇綸堪活



國凌雲詞賦舊驚人官聯佳興馮唐伍壽考還臻絳  
老郎弱冠相知今白髮西門祖送淚沾巾

挽楊夫人黃京父之母

年踰十使孀居苦教孤兒共瘁劬成嘆鄒公如令  
子不知真缺是賢夫貧能守志人難及養不酬心世  
所吁我詠國風長大息共姜誰謂在今無

挽方瓊州世功恭人

紹興宣諭一忠臣為慕名門遂作嬪慈訓由來承乃  
父清規每解助良人山中急办瞻堂舍囊裏曾無過  
珎丹旌翻飛人嘆息諸孫祖送盡簪紳

祝鄭太監稟

策足膠庠上收科弱冠中清文彌蓋煥勁氣挾王公  
政術研鋒穎文章武事雄輕財緣嗜義已矣古人風

又

鵬驚天生異鵬搏世擬遙軺麾三錫命省監兩登朝  
報國丹心激浮生兩鬢凋受恩知幾士雨泣楚魂招

祝張夫人

籍甚金張世婦欽王謝賢絲蘿能幾日松柏早千年  
誼重不再辱身輕得自憐平生不朽事看付殺青傳

祝吳縣尉孺人黃氏

遠出無雙裔來嬪第一家  
見時憂患集婦道敬恭加  
抗儼終身義淒涼十歲華  
夫賢仍子幼閭里可勝嗟

祝許郎中錫

前輩凋零盡如何到月湖  
壯圖終未展正論老尤孤  
西忝官聯舊常蒙朋友呼  
忽聞即宿賈衰淚倍沾鬢

祝肯齊儲居士

長樂興家憐安興來徃頻  
詩方貽五字訃紙隔三衣  
事業傳賢嗣鄉閭失善人  
薰風卅荔熟這感一沾巾

祝李縣丞亢宗

文脉紹雲龍儒酸味轉甘  
一官人謂脫三邑政無慙

身健歸何早孤賢道飽叅淵明生自祭揮淚聽佳談

挽吳太夫人

真石史之母

蚤出勲名裔中年歷險巇事姑追孝婦教子作儒師  
獄為平反喜金緣振貸施魚軒歸去後兩郡幾人悲

又

昔在三山日曾升孟母堂官察同令子歲刻出幽房  
盛擬双封固俄驚一奠賜新阡緣孝感揮涕望高岡

挽陳外府丞震

孝友振天性生平礼法循躬行皆古道習次鎮陽春  
南國猥歌謗中朝謾曳紳最傷清苦節海內幾何人

批卿字模宗簿

漢代推循吏周邦重魯儒達中無滯訟身後有遺書  
生為忘家客形因治即瘞天人同一理好惡不應殊

又

公來當赤立即用以為餘垂索無金帛窮閭有袴襦  
杜門家枉顧易簪阻前趨忍見婦毀旌傷心豈獨莆  
批楊尚書

予雲新著述伯起舊家声孝友全天賦文章與性成  
平津期究業疎傳已傳名獨恨門闌士無因位泣絳旌  
批使相傳忠簡

中原文獻舊四世煒相傳節操生來異熟名晚更全  
方哦衛武什遽止太丘年竟鬱經綸志蒼黔敢扣天

又

先世論文舊于今六十年誤蒙擢薦牘深嘆伏蒲篇  
迅召辭何數遺忠秘莫傳空餘華髮像兩泣拜貂蟬

祝龔知縣日孜

華族三台煒名門八桂芳才雖凌賈誼官不至馮唐  
晚歲逢奇蹇平生只直方青春陪笑語一慟鬢成霜

祝黃總幹雲翼

作邑古循吏于今群與儔有生持正直不變是寬柔

食淡親常喜官貧俸莫酬嘗察吾有愧執紼淚交流